

庶物類纂

花屬
十四十五

容

第百七十三函

太政官文庫			
和書門	特別	一二三六二號	第一
		第百七十三函	第百七十三函
架	函	號	類
四六五册			

共三十

内閣文庫			
番號	和	32362	
冊數	465(38)		
函號	附	54	1



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂花屬卷之十四目次


梔子花

水梔

四季梔子花

徽州梔子花

玉樓春



庶物類纂

卷之十四

花屬目次

梔子花

一名木丹

神農本草

一名越桃

本草綱目

一名鮮支

上林

賦

一名支子

同上

一名瞻蔔花

西陽雜俎

一名禪客

三柳軒雜識

一名禪友

彙苑詳註

一名林蘭

同上

一名楸

桃諧聲品字箋

俗名骨地柰十

梔子花

梔子一名越桃一名鮮支有兩三種處處有之一種木高七八尺葉似兔耳厚而深綠春榮秋瘁入夏開白花大如酒杯皆六出中有黃蕊甚芬香結實如訶子狀生青熟黃中仁深紅可染繒帛入藥用山梔子皮薄圓小如鵲腦房七稜至九稜者佳一種花小而重臺者園圃中品一種徽州梔子小枝小葉小花高不盈尺可作盆景貨殖傳曰梔茜千石亦比千乘之家或云此卽西域之薝蔔花薝蔔金色花小而香西

方甚多，非梔也。此花喜肥，宜糞澆，然太多，又生白虱。

宜酌之。明王蓋臣二如亭羣芳譜

栽種帶花移易活。芒種時，穿腐木板為穴，塗以泥污，剪其枝，挿板穴中，浮水面，候根生，破板密種之。或梅雨時，以沃壤一團，挿嫩枝，其中置鬆畦，內常灌糞水，候生根，移種亦可。茶藤素馨皆同。千葉者，用土壓其傍，小枝逾年自生根。十月內選子，淘淨來春作畦，種之，覆以糞土，如種茄法。同上

製用太朵重臺者，梅醬糖蜜製之，可作羹果。謹按花史左編

作美菜 ○一種花小單臺者，結山梔，可入藥。○折枝插

碎其根實以白鹽，則花色久而不改，可挿瓶。同上

梔子有三種，有大花者，結山梔，甚賤，有千葉者，大抵重瓣者，葉圓而大，單瓣者，葉細而長，其香一也。同上

染梔子花六出，雖香不濃郁。山梔子八出一株，可香

一圃。山谷詩話

梔子司馬相如賦曰：鮮支黃燦。註曰：即支子。○佛書

名越桃，又名禪友，有兩三種，小異，以七稜者為佳。三四月開花，夏秋結實，經霜乃收。蜀中有紅梔子花，紅色染物，則赭紅色。○明徐光啓農政全書

齊民要術曰十月選成熟梔子取子淘淨曬乾至來春三月選沙白地斷畦區深一尺全去舊土卻收地上溼潤浮土篩細填滿畦區下種稠密如種茄法細土薄糝上搭箔棚遮日高可一尺旱時一二日用水於棚上頻頻澆灑不令土脈堅垆四十餘日芽方出壬子治澆溉至冬月厚用蒿草藏護次年三月移開相去一寸一科鋤治澆溉宜頻冬月用土深擁根株其枝梢用草包護至次年三四月又移一步半一科栽成行列須園內穿井頻澆冬月用土深擁須北面

夾離障以蔽風寒第四年開花結實十月收摘甌內微蒸過曬乾用梅雨時以沃壤一團挿嫩枝其中置鬆畦內常灌糞水候生根移種亦可同上
種樹書曰黃梔子候其大時摘青者曬收至黃熟則消化水矣大朵重臺者梅醬糖蜜製之可作羹果同上
梔子花一名越桃一名林蘭佛書又云薝蔔花比為禪友杜悰建薝蔔館形亦六出器用之屬皆象之其實七稜單葉者結實可以供染千葉者不結子色潔白而香酷烈五月中帶花移栽梅雨中取嫩枝挿肥

土中即活，便民圖纂云：十月選成熟者，取子淘淨曬乾，至來春三月，斷畦種之，覆以灰土，如種茄法。次年三月移栽，第四年開花結實。瑣碎錄云：黃梔子候其大，逐時摘青者曬收，至黃熟則消化為水，言收貴早也。千葉梔子不必扦插，止用土壓旁生小枝，逾年自生根，分栽極易活。此花喜肥，頻以糞水沃之，則盛折。枝插瓶，須搥碎其根實，以白鹽則花色不改。明周文華致富

全書

諸花少六出者，唯梔子花六出。陶貞白言：梔子翦花

六出，刻房七道，其花香甚，相傳即西域瞻蔔花也。唐段

成式酉陽雜俎

梔子生南陽川谷，今南方及西蜀州郡皆有之。木高七八尺，葉似李而厚硬，又似檇蒲子。二三月生白花，花皆六出，甚芬香。俗說即西域蒼蔔也。夏秋結實如訶子狀，生青熟黃，中仁深紅。九月採實暴乾，南方人競種以售利，貨殖傳云：梔茜千石，亦比千乘之家。言獲利之博也。此亦有兩三種入藥者，山梔子方書所謂越桃也。皮薄而圓，小刻房七稜，至九稜者為佳。其

大而長者乃作染色又謂之伏尸梔子不堪入藥用

本草
圖經

梔子葉如兔耳厚而深綠春榮秋瘁入夏開花大如

酒杯白瓣黃蕊隨即結實薄皮細子有鬚霜後收之

蜀中有紅梔子花爛紅色其實染物則赭紅色明李東璧

本草
綱目

蔡子渥傳云同官無錫監酒趙無疵兄衄血甚已死

入殮血尚未止一道人過門聞其家哭詢問其由道

人云是曾服丹或燒煉藥予有藥用之即活囊間出

藥半錢匕吹入鼻中立止良久得活乃山梔子燒存

性末之本事方○宋
張景賢說

梔子佛經名薝蔔單瓣者六出其子可入藥入染重

瓣者花大而白差可觀香氣殊不雅以佛所重存之

明王敬美
學圃雜疏

薝蔔花即梔子花也陶隱居云其花翦刀六出刻房

七道明楊升
菴文集

冬至陰極陽生梅桃李杏花皆五出也夏至陽極陰

生威靈仙鹿蔥射干淨瓶蕉梔子花皆六出也出音

綴同上

凡花少六出者獨梔子花六出其色香亦皆殊絕故
段成式謂即薝蔔花楊用修謂即揚州瓊花然皆非
也此花在閩中極多且賤與素馨茉莉皆不擇地而
生者北至吳楚始漸貴重耳茉莉在三吳一本千錢
入齊輒三倍酬直而閩廣家家植地編籬與木槿不
殊至於薔薇玫瑰酴醾山茶之屬皆以編籬以語西
北之人未必信也明謝肇淛五雜俎
梔子花有三種有大花者結山梔甚賤有千葉者有

福建矮樹梔子可愛高不盈尺梅雨時隨手翦拊肥

土俱活明高濂遵生八牋

太葉梔子花至秋結子儼狀薔薇花蕊經霜由黃而

紅盆種挿瓶可助十一月中無花之趣同上

梔子花將折枝根槌碎擦鹽入水挿之則花不黃其

結成梔子初冬折枝挿瓶其子赤色儼若花蕊可觀

同上

梔子其花小而單臺者則結山梔可作藥料明王仲遵花史

左編

厄可染黃其花實皆可觀花白而甚香五月間極繁茂或云此即西域之薝蔔花薝蔔金色花小而香西方甚多非厄也同上

薝蔔花格物總論一名梔子花葉厚淡綠如兔耳凡草木花多五出此花六出色白心黃又一種花葉差

大謝靈運目為林蘭明彭大翼張幼學山堂肆考

花史云梔子十友中稱為禪友爾雅翼曰梔子花白而甚秀葉實俱可觀或言西方薝蔔花金色小而香

則梔非薝蔔明矣萍鄉花史廣陵女士殿最

梔子一作支子上林賦云鮮支黃礫注鮮支支子也

謝靈運賦云林蘭近雪而揚綺注林蘭亦支子也佛

書呼為薝蔔花開六出故東坡詩有六花薝蔔林間

佛之句其實七稜亦名越桃可入藥有花開百葉者

名永梔花都人呼玉樓春八閩通志

玉樓春即百葉梔子花也同上

欲留春即玉樓春同上

薝蔔一名梔子花六出有千葉者呼玉樓春福州府志

玉樓春花白色似山梔而小

梔子花一名薝蔔白色有香有千葉一種常熟縣志

欲留春即百葉梔子花也一名水梔花一名玉樓春

馮志云以其花孟夏始開故又名欲留春予竊以為

欲留春即玉樓春以聲相近而譌邵武府志

梔子三種其千葉者不結實重修鎮江府志

山谷曰梔子花一種八出者一株可香一園佛書如

入薝蔔林中惟嗅薝蔔不聞餘香土名黃梔花興化府志

薝蔔即黃梔花寧波府志

山梔子其花六出其實七稜泉州府志

梔子色白而香佛書曰薝蔔花江陰縣志

薝蔔花即白梔子松江府志

梔子花陶貞白言梔子翦花六出刻房七道芬香特

甚相傳即西域薝蔔也越中有二種曰山梔生山谷

中花瘦長香尤奇絕曰水梔生水涯花肥大倍於山

梔而香差減又有千葉梔六月初始盛紹興府志

山梔子即黃梔子可染黃汀州府志

玉樓春一名梔子色白氣香同上

梔子花有大小單瓣千葉各種大而千葉者名牡丹

梔子嘉興縣志

梔子一名薝蔔單葉者結實可以供染千葉者不結子色白而香烈法于冬初取子曬乾來春畦種覆以灰土如種茄法次年三月移栽第四年開花結實千葉者不必扦插止用土壓旁生小枝逾年自生根分栽易活花性喜肥頻以糞水沃之清石巖逸叟增定致富奇書謝靈運以梔子大者曰林蘭劉禹錫咏為越桃按周吉甫金陵瑣事曰人以梔子為薝蔔非也鳳臺門外白雲寺近半首大監鄭強塋地傍有薝蔔一叢乃三

寶太監西洋取來者花瓣似蓮而稍瘦外紫內淡黃色嗅之辛辣觸鼻微有清香正佛經所云也此花今不聞母亦后土觀之瓊花絕種乎佛書贍博一作贍蔔黃色香花也訛作薝蔔清方以智通雅

梔子有單花重花四季花皆六出芒種時穴腐版泥塗翦枝種之浮水面候根生而樹種之入藥取小者染取大者然易脫色周吉甫所言白雲寺鄭強墓地之薝蔔則外紫內淡黃者也景煥言青城申天師進紅梔子種象躡花含笑花則似梔子者也清皖桐方氏物理小

識

蒼筤一名梔子檀心玉片昔人咏為白玉花子可染

色花香清遠曾端伯以為禪友清沈賦名花譜

種法夏月折嫩枝帶花挿細土中易活易茂同上

梔子花將折枝處搥碎擦鹽入水挿之則花不黃凡

冬日挿花當投之硫黃不凍惟近日色南窗下置之

夜近臥榻庶可耐久同上

梔子花一名越桃一名林蘭釋號蒼筤小木也有三

種單葉小花者結子多千葉大花者不結子色白而

香烈又有四季花者亦不生山梔徽州產一種矮樹

梔子高不盈尺盆玩清香動人夏花潔白而六出秋

實丹黃有稜可染黃色亦可入藥昔孟昶十月宴芳

林園賞紅梔子花清香如梅近日罕見此種冬初取

子曬乾來春畦種覆以灰土如種茄法次年三月移

栽至四年即開花結實矣又梅雨時隨花翦扞肥地

亦活若干葉者宜土壓芻生小枝久則根生分栽自

活性不喜糞惟以輕肥沃之自茂若太肥又恐生白

蟲一法芒種時穴一腐板泥塗翦枝種其上浮置水

面候其根生後移而種之清陳湜子秘傳花鏡


梔子新添十月選成熟梔子取子淘淨曬乾至來春三月選沙白地斷畦區深一尺全去舊土卻收地上溼潤浮土篩細填滿畦區下種稠密如種茄法細土薄糝上搭箔棚遮日可高一尺旱時一二日用水於棚上頻頻澆灑不令土脈堅塔四十餘日芽方出土媵治澆溉至冬月厚用蒿草藏護次年三月移開相去一寸一科鋤治澆溉宜頻冬月用土深擁根株其枝梢用草包護至次年三四月又移一步半一科栽

成行列須園內穿井頻澆頻鋤每歲冬須北面厚夾籬障以蔽風寒第四年開花結實十月收摘甌內


微烝過曬乾用張師說新刻農桑輯要

楸桃梔子也其花為蔭蔭清虞德升諧聲品字箋

梔子花無甚奇特予取其彷彿玉蘭玉蘭忌雨而此不忌雨玉蘭齊放齊凋而此則開以次第惜其樹小而不能出簷如能出簷即以之權當玉蘭而補三春恨事誰曰不可清李漁間情偶奇



魚鱗
物類
集
卷十四



水
梔



魚鱗
物類
集
卷十四

花
屬
水
梔

一

應物類纂 卷廿四

水梔

梔子花越中有二種曰山梔生山谷中花瘦長香尤
奇絕曰水梔生水淮花肥大倍於山梔而香差減紹興

府志

梔子花有大小單瓣千葉各種大而千葉者名牡丹

梔子嘉興縣志

水枝色白稍香宜溼夏且葯 圖同春

謹按枝當作梔

植物類纂

卷廿四

花屬

水梔

二

植物類纂
卷卅四

四季梔子花

植物類纂
卷卅四

花屬

四季梔子花

一

植物類編卷之四十四



四季梔子花

梔子花又有四季花者亦不生山梔清陳湜子秘傳花鏡

植物類編卷之四十四

花屬 四季梔子花 二

燕
物
類
纂
卷
卅
四

徽州梔子花

燕
物
類
纂
卷
卅
四

花
屬
徽
州
梔
子
花
一

庶物類集卷之四

徽州梔子花

徽州梔子小枝小葉小花高不盈尺可作盆景明王蓋臣

二如亭羣芳譜

福建矮樹梔子可愛高不盈尺明高濂遵生八牋

徽州梔子小葉小枝小花高不過尺許可作盆景明王仲遵花史左編

徽州產一種矮樹梔子高不盈尺盆玩清香動人夏

花潔白而六出秋實丹黃有稜可染黃色亦可入藥

清陳淏子秘傳花鏡

花屬 徽州梔子花 二

燕
物
類
集
卷
之
四
四

玉樓春

一名水梔花八閩志一名欲留春同上

燕物類集 卷之四 花屬 玉樓春 一

蘇物類考卷之十四

玉樓春

梔子千葉者用土壓其傍小枝逾年自生根明王蓋臣二如

亭羣芳譜

梔子花單葉者結實可以供染千葉者不結子色潔

白而香酷烈明周文華致富全書

千葉梔子不必扦插止用土壓旁生小枝逾年自生

根分栽極易活此花喜肥頻以糞水沃之則盛折枝

挿瓶須槌碎其根實以白鹽則花色不改同上

梔子一種花小而千葉出福建謂之水梔明王思義三才圖會

蘇物類考卷之十四 花屬 玉樓春 二

植物類編卷十四

梔子有花開百葉者名水梔花都人呼玉樓春八閩通志

玉樓春即百葉梔子花也同上

欲留春即玉樓春同上

薜蔔一名梔子花六出有千葉者呼玉樓春福州府志

玉樓春花白色似山梔而小同上

玉樓春一名梔子色白氣香汀州府志

梔子三種其千葉者不結實重修鎮江府志

梔子花一名薜蔔白色有香有千葉一種常熟縣志

欲留春即百葉梔子花也一名水梔花一名玉樓春

馮志云以其花孟夏始開故又名欲留春予竊以為

欲留春即玉樓春以聲相近而譌邵武府志

梔子花越中有二種曰山梔生山谷中花瘦長香尤

奇絕曰水梔生水涯花肥大倍於山梔而香差減又

有千葉梔六月初始盛紹興府志

謹按據此說則水梔單瓣梔花肥大者也其說與

通志不同

庶物類纂
卷之十五
目次

庶物類纂花屬卷之十五目次

- 玉蘭花
- 白木蘭
- 紫木蘭
- 辛夷
- 白辛夷
- 望春

庶物類纂

卷之十五

花屬目次

唐蘭花
一名木蘭
八遵生
牋

玉蘭花

一名木蘭
八遵生
牋

燕
物類彙編
卷卅五

花屬

玉蘭花

一

庶物類集卷之五十一

玉蘭花

玉蘭花九瓣色白微碧香味似蘭故名叢生一幹一
花皆著木末絕無柔條隆冬結蕾三月盛開澆以糞
水則花大而香花落從蒂中抽葉特異他花亦有黃

者最忌水浸明王蓋臣二如亭羣芳譜

接挿寄枝用木筆體與木筆並植秋後接之同上

製用花瓣擇洗淨拖麪麻油煎食至美同上

木蘭花樹高大葉如枇杷花如蓮有青黃紅白四種

形與玉蘭相似今疑即其黃白者耳大理府志同上

庶物類集卷之五十一 花屬 玉蘭花 二

玉蘭類木筆其樹高丈餘鎮江府志云玉蘭出馬跡山紫府觀其花表裏瑩白如玉其香如蘭不根而植不蓓而花生不擇地亦不常有開多在暮春遇者以爲瑞宋淳祐間忽開郡守李迪作詩頌之見咸淳志陳輔之有詩見京口集乃爲丹陽凝禧觀作近茅山溪谷間有之或開於秋冬山志謂其蘭芽刻玉氣味甚幽亦芝英之別種也吳地初未嘗有近始盛行人珍重之俞仲蔚玉蘭詩序云予攷前代志記玉蘭獨不著見然此花不實以辛夷並植其側過枝接生其

花九瓣色白微碧狀類芙蓉心如小浮屠形叢生淺綠細棘著根裹紫色蓮鬢香氣幽竒與蘭草無異又下幹下花皆著木末疑遂以此得名花落又從蒂中抽葉特異他花冬間結蕊至二月盛開蓋卉木之竒種也昔人詩云木末標孤穎靈苞散九華映空遙泛雪翳日細通霞色淨黃金屋香飄碧玉家更憐搖落後綠蒂吐新芽周孺允詩云靈卉無根寄別枝凭欄一笑逞幽姿形過蒼筤禪林見氣溢蘭蓀楚客知鶴寺可令神女降兔園偏與月華宜含芳徒倚無人會

唐物類彙編 卷之五

馮仗東風細細吹明周文華致富全書

玉蘭花花未開者澆以糞水則花大而香其瓣擇洗精潔拖麩麻油煎食牡丹新落瓣亦可煎食蜜浸古

名木蘭明高濂遵生八牋

古有木蘭而無玉蘭今則有玉蘭而無木蘭吾吳中木蘭堂其花樹最雄陸龜蒙詩所謂洞庭波浪渺無津日日征帆送遠人幾度木蘭舟上望不知原是此花身者是也其樹至宋末始萎楊備詩則云木蘭枝密樹仍高堂下花光照節旄列鼎重茵歌舞地金章

同色使君袍則其花又似慘紫非純白者今玉蘭在吳中多以辛夷接辛夷紫而玉蘭白其在南中遍山谷皆滿又皆原本而唐宋人詩絕不及之不得比於蒼蘆素馨之末何也豈木蘭玉蘭本一物昔紫而今白耶物氣變移或有然者姑志以備考明王元美宛委餘編玉蘭色白韻香夏月以辛夷接之夏且葯圃同春玉蘭木高數尺經冬而苞至二三月苞脫而花花似辛夷但紅白殊耳春分俱用辛夷接與過枝其花以油與麩煎之可食明王思義三才圖會

無物類彙編 卷之五 花屬 玉蘭花 四

唐詩類集卷之五十一

三吳最重玉蘭金陵天界寺及虎丘有之每開時以爲奇翫而支提太姥道中彌山滿谷一望無際酷烈之氣衝入頭眩明謝肇淛五雜俎

玉蘭花種似木筆以木筆並植其側秋後過枝接生其花九瓣色白微碧狀類芙蓉心叢生淺綠一幹一花皆著木末花落又從蒂中抽葉特異他花冬間結蕊至三月盛開澆以糞水則花大而香古名木蘭明王仲遵花史左編

玉蘭花瓣擇洗精潔拖麪麻油煎食至妙至美同上

玉蘭花此花忌水浸同上

玉蘭出馬跡山紫府觀其花表裏瑩白如玉其香如蘭不根而植不蓓而花開時多於春暮遇者以爲瑞宋淳祐間忽開郡守李迪作詩歌之見咸淳志陳輔之有玉蘭詩二首見京口集乃爲丹陽凝禧觀作茅山溪谷間有之或開於秋冬間山志謂其蘭芽刻玉氣味甚幽亦芝英之別種也重修鎮江府志

玉蘭多以辛夷花本接之先花後葉其瑩如雪泉州府志玉蘭出馬跡山紫府觀花開碧白絕無柔條隆冬結

無物類集卷之五十一 花屬 玉蘭花 五

唐物類彙編 卷之五十一

蕾尚未放葉花落葉從蒂中生以辛夷竝植秋後接之澆以糞水花開最馥辛夷即木筆也周孺允詩云靈卉無根寄別枝凭欄一笑逞幽姿形過蒼筤禪林見氣溢蘭蓀楚客知鶴寺可令神女降兔園偏與月華宜含芳徙倚無人會馮仗東風細細吹清石巖逸叟增定致

富奇書

玉蘭古名木蘭出於馬跡山紫府觀者佳今南浙亦廣有樹高大而堅花開九瓣碧白色如蓮心紫綠而香絕無柔條隆冬結蕾一幹一花皆著木末必俟花

落後葉從蒂中抽出在未放時多澆糞水則花大而香濃但忌水浸與木筆竝植秋後接換甚便其瓣擇洗精潔拖麪麻油煎食極佳或蜜浸亦可其製法與

牡丹瓣同清陳淚子秘傳花鏡

玉蘭春半未葉先花葉似柿而長花潔白如玉其香清馥可亞於蓮性忌水冬間結蕊至三月盛開澆以糞水則花大而香其瓣可拖麪煎味特香美清沈賦名花譜世無玉樹請以此花當之白者儘多皆有葉色相亂此則不葉而花與梅同致千幹萬蕊盡放一時殊盛

無物類彙編 卷之五十一 花屬 玉蘭花 六

唐詩集卷之五十一

事也。但絕盛之事，有時變為恨事。衆花之開，無不忌雨。而此花尤甚。一樹好花，止須一宿微雨，盡皆變色。又覺腐爛，可憎。較之無花，更為乏趣。羣花開謝，以時謝者，既謝，開者猶開。此則一敗俱敗。半瓣不留，語云：「弄花一年，看花十日。」為玉蘭主人者，常有延佇經年，不得一朝盼望者。詎非香國中絕大恨事。故值此花一開，便宜急急玩賞。玩得一日，是一日。賞得一時，是一時。若初開不玩，而俟全開，全開不賞，而俟盛開，則恐好事未行，而殺風景者，至矣。噫！天何鑿于玉蘭而

徃往三歲之中，定有一二歲與之為難哉。
清李漁問
情偶奇

燕物類集卷之五十一
花屬 玉蘭花 七

庶類
字類
集
卷
一
五

白木蘭

一名木蓮樹
白樂天文集
一名黃心樹
上同

庶類
字類
集
卷
一
五

花屬
白木蘭
一

庶物類編卷之五

白木蘭

木蘭花樹高大葉如枇杷花如蓮有青黃紅白四種形與玉蘭相似今疑即其黃白者耳

大理府志○明王蓋臣二如亭

羣芳譜

木蓮樹生巴峽山谷間巴民亦呼為黃心樹大者高五丈涉冬不凋身如青楊有白文葉如桂厚大無春
花如蓮香色艷膩皆同獨房蕊有異四月初始開自
開迨謝僅二十日忠州西北十里有鳴玉谿生者穠
茂猶異元和十四年夏命道士母丘元志寫惜其遐

庶物類編 卷之五 花屬 白木蘭 二

僻因題三絕句云唐白樂天文集

木蓮花葉似辛夷花類蓮花色相傍出忠州鳴玉溪

邛州亦有唐段成式酉陽雜俎續集

木蓮葉似辛夷花類蓮魏王花木志

木蓮花生峨眉山中諸谷狀若芙蓉香亦類之木幹

花枝條茂蔚不為園囿所蔕葩秀木顛狀若芙

渠不實而榮馥馥其敷宋宋祁益部方物畧記

木蘭似木筆但木高丈餘開花與牡丹同時發宋鄴江周

氏洛陽花木記

木蘭去皮而不死紫薇搔其皮則樹皆搖動明謝肇淛五雜

木筆即辛夷空斬條挿之玉蘭即木蘭大理府志木

蓮花樹高大花如蓮有青黃紅白四種白香山言忠

州有木蓮花王元美謂即玉蘭智按玉蘭春初開木


蓮四月花蓋亦有別五雜組曰木蘭去皮不死清皖桐方

氏物理小識

木蓮花之枝頭宛然蓮萼故白樂天詩云水邊花盡

木蓮開清沈賦名花譜

魚鱗
牙類
鱗類
鱗類
鱗類
鱗類
鱗類



紫木蘭

一名林蘭神農本草
一名杜蘭名醫別錄

魚鱗
牙類
鱗類
鱗類
鱗類
鱗類
鱗類

花屬 紫木蘭 一

本草綱目卷之五十一

紫木蘭

木蘭一名木蓮一名黃心一名林蘭一名杜蘭一名
樹似楠高五六丈枝葉扶疎葉似菌桂厚大無
脊有三道縱紋皮似板桂有縱橫紋花似辛夷內白
外紫四月初開二十日即謝不結實亦有四季開者
又有紅黃白數色其木肌理細膩梓人所重十一二
月採皮陰乾出蜀韶春州者各異木蘭洲在潯陽江
其中多木蘭

明王蓋臣二
如亭羣芳譜

木蘭生零陵山谷及泰山今湖嶺蜀川諸州皆有之

無物類編卷之五十一

花屬 紫木蘭 二

木高數丈，葉似菌桂，葉亦有三道，縱文，皮如板，桂有縱橫文，香味劣於桂。此與桂枝全別，而韶州所生，乃云與桂同，是一種。取外皮為木蘭，中肉為桂心。蓋是桂中之一種耳。十一月十二月採陰乾，用任昉述異記云：木蘭洲在潯陽江中，多木蘭。又七里洲中有魯斑刻木蘭舟，至今在洲中。今詩家云：木蘭舟出於此。本草

圖經

谷間民呼為廣心樹，大者高五六丈，涉冬不凋，身如青楊，有白紋，葉如桂而厚，大無脊，花如蓮花，香色豔膩，皆同。獨房蕊有異，四月初始開，二十日即謝，不結實。此說乃真木蘭也。其花有紅黃白數色，其木肌細而心黃，梓人所重。蘇頌所言韶州者是牡桂，非木蘭也。或云木蘭樹雖去皮亦不死，羅願言其冬花實如小柿，甘美者恐不然也。明李東璧本草綱目

東都敦化坊百姓家大和中，有木蘭一樹，色深紅。後桂州觀察使李勃看宅，人以五千買之。宅在水北，經

唐段成式酉
陽雜俎續集

年花紫色

古有木蘭而無玉蘭今則有玉蘭而無木蘭吾吳中
木蘭堂其花樹最雄陸龜蒙詩所謂洞庭波浪渺無
津日日征帆送遠人幾度木蘭舟上望不知原是此
花身者是也其樹至宋末始萎楊備詩則云木蘭枝
密樹仍高堂下花光照節旄列鼎重茵歌舞地金章
同色使君袍則其花又似慘紫非純白者今玉蘭在
吳中多以辛夷接辛夷紫而玉蘭白其在南中遍山
谷皆滿又皆原本而唐宋人詩絕不及之不得比於

蒼荀素馨之末何也豈木蘭玉蘭本一物昔紫而今

白耶物氣變移或有然者姑志以備考

謹按楊備詩所云者紫木蘭也木蘭與玉蘭其類

頗同而微異

木蘭葉似長生冬便榮常以冬華其實如小柿甘美

一名林蘭一名杜蘭皮似桂而香生零陵山谷及泰

山狀如楠樹高數仞

明王仲遵
花史左編

木蘭一名木蓮一名杜蘭生零陵山谷及泰山上狀

如楠樹高數丈枝葉扶蘇皮似桂而香葉似長生有

雜物類集

花屬 紫木蘭 四

庶物類編 卷之五

三道縱紋花似辛夷內白外紫亦有紅黃白數種交
冬則榮亦有四季開者實如小柿甘美可食清陳湜
子秘傳

鏡花

辛夷

一名辛矧神農本草 一名侯桃同上 一名房木同上
名木筆本草拾遺 一名迎春同上 一名辛雉甘泉賦註 一
名望春羣芳譜 一名豬心花史左編 一名書客西溪叢語
一名朝天木蓮花藥性要畧大全

庶物類編 卷之五

花屬 辛夷

唐中葉集

辛夷

辛夷一名辛雉一名侯桃一名木筆一名望春一名木房生漢中魏興梁州川谷樹似杜仲高丈餘大連合抱葉似柿葉而微長花落始出正二月花開初出枝頭苞長半寸而尖銳儼如筆頭重重有青黃茸毛順鋪長半分許及開似蓮花而小如盞紫苞紅焰作蓮及蘭花香有桃紅及紫二色又有鮮紅似杜鵑俗稱紅石蒼是也入藥用紫者須未開收已開不佳用須去毛毛射入肺令人欬花落無實夏杪復著花如

雜物類聚

花屬 辛夷 二

小筆宋掌禹錫云苑中有樹高三四丈枝葉繁茂係
興元府進初僅三四尺有花無實經二十餘年方結
實蓋年淺者不實非二種也至花開早晚各隨方土
節氣苞治鼻淵鼻軌鼻塞鼻瘡及痘後鼻瘡並研末
入麝少許葱白蘸入數次甚良分根傍小株插肥溼
地即活本可接玉蘭明王蓋臣二
如亭羣芳譜
辛夷一名木筆花初開如筆故曰木筆一名迎春其
花最早故曰迎春又名望春別名房木或謂之侯桃
先花後葉花如菡萏離騷云辛夷車兮結桂旗即此

是也圖經本草云辛夷生漢中川谷今園亭亦多種
植木高數丈葉似桤而長正二月生花形似著毛小
桃色白帶紫花落無子至夏復開花又一種枝葉並
相類但歲一開花四月花落時有子如相思子或云
即是此種經一二十年樹老方結實其花開早晚亦
隨南北節氣寒溫衍義曰有紅紫二本一本如桃花
色一本紫色今入藥當用紫者按本草花在二月中
開粉紅者花大紫色者花小名紫心木筆皆歲一開
花花落結子如小浮屠形長而色青不必一二十年

乃結子也臘月或春初根有分枝可揆接玉蘭明周文華

致富
全書

今按陳藏器本草云辛夷今時所用者是未發花時如小桃子有毛未折時取之所云用花開者及在二月此殊誤爾此花江南地暖正月開北地寒二月開初發如筆北人呼為木筆其花最早南人呼為迎春臣禹錫等謹按蜀本圖經云樹高數仞葉似柿葉而狹長正月二月花似著毛小桃色白而帶紫花落而無子夏杪復著花如小筆又有一種三月花開四月

花落子赤似相思子花葉與無子者同取花欲開者勝所在山谷皆有此二種今宛中有樹高三四丈花葉一如圖經所說但樹身徑二尺許去根三尺已來便有枝柯繁茂可愛正月二月花開紫白色花落復生葉至夏初還生花如小筆經秋歷冬葉花漸大如有毛小桃至來年正月二月始開初是興元府進來其樹纔可三四尺有花無子謂之木筆花樹種經二十餘載方結實以此推之即是年歲淺者無子非有二種也其花開早晚應各隨其土風爾嘉祐補註本草

辛夷生漢中川谷今處處有之人家園庭亦多種植木高數丈葉似柿而長正月二月生花似著毛小桃子色白帶紫花落無子至夏復開花初出如筆故北人呼為木筆花又有一種枝葉並相類但歲一開花四月花落時有子如相思子或云都是一種經一二十年老者方結實耳其花開早晚亦隨南北節氣寒溫九月採實暴乾用或云用花蕊縮者良已開者劣謝者不佳本草圖經

辛夷先花後葉即木筆花也最先春以其花未開時

其花苞有毛尖長如筆故取象曰木筆有紅紫二本

一本如桃花色者一本紫色者今入藥當用紫色者仍

須未開時收取入藥當去毛苞宋寇宗奭本草衍義

辛夷花初出枝頭苞長半寸而尖銳儼如筆頭重重

有青黃茸毛順鋪長半分許及開則似蓮花而小如

盞紫苞紅焰作蓮及蘭花香亦有白色者人呼為玉

蘭又有千葉者諸家言苞似小桃者比類欠當明李東璧

本草綱目

辛夷即今之朝天木蓮花也明鄭康寧藥性要畧大全

木筆似木蘭但木極大乃有花花正月初發宋鄞江周氏洛

陽花木記

辛夷花花如蓮外紫內白蕊若筆尖故名木筆一名

望春俗名豬心本可就接玉蘭明高濂遵生八牋

辛夷色淡紅一名木筆花先後葉亦一奇卉香似玉

蘭夏旦葯圃同春

甘泉賦列新雉於林薄服虔曰新雉香草也雉夷聲

相近師古曰草蓂生曰薄新雉即辛夷耳為樹甚大

非香草也其木枝葉皆芳明慎懋官筆夷花木考

格物總論辛夷花木高數尺葉似柿而長初出如筆

正二月開花花落無子夏秋再著花而小紫苞紅焰

一名木筆一名侯桃離騷經所謂辛夷即此明彭大翼張幼

學山堂肆考

格物論辛夷木高數尺葉似柿而長初出如筆李衛

公手植此花有詩明王仲遵花史左編

辛夷花如蓮外紫內白蕊若筆尖故名木筆一名望

春俗名豬心本可接玉蘭者西湖志餘云花鮮紅似

杜鵑躑躅俗稱紅石薔是也白樂天紅辛夷詩云紫

粉筆含尖火焰紅燕脂染小蓮花同上

木筆花正二月開花落不結子夏秋再著花紫苞紅

艷一名侯桃一名木筆花同上

木筆一名辛夷其花初發如筆因名八閩通志

辛夷俗名木筆福州府志

辛夷初春開葉如柿而小花白帶紫未開如筆故一

名木筆花江陰縣志

辛夷亦名迎春木筆豬心重修鎮江府志

辛夷開花初出如筆俗呼為木筆花寧波府志

辛夷花鮮紅似杜鵑躑躅花俗稱紅石薔者是也白

樂天有靈隱寺紅辛夷戲光上人詩云紫粉筆含尖

火焰紅燕脂染小蓮花芳情鄉思知多少惱得山僧

悔出家又躑躅花詩云玉泉南澗花奇怪不似花叢

似火堆今日多情惟我到明年無故為誰開此二詩

者樂天詠物一時之作耳豈意遂為湖山故實賓山

劉邦彥西湖詩云辛夷塢口春將老躑躅池邊雨弄

晴盡日無人過湖去黃鸝啾啾不停聲蓋聯白詩而

用之也明田汝成西湖遊覽志餘

木筆即辛夷宜斬條挿之清皖桐方氏物理小識

辛夷即木筆也周孺允詩云靈卉無根寄別枝凭欄

一笑逞幽姿形過蒼荀禪林見氣溢蘭蓀楚客知鶴

寺可令神女降兔園偏與月華宜含芳徒倚無人會

馮杖東風細細吹清石巖逸叟增定致富奇書

辛夷一名木筆一名望春較玉蘭樹差小葉類枊而

長隔年發蕊有毛儼若筆尖花開似蓮外紫內白花

落葉出而無實別名侯桃俗呼豬心花又有紅似杜

鵝者俗呼為石薔其本可接玉蘭亦宜斫條挿可

同玉蘭並植至秋後過枝即生皆可變為玉蘭多澆

糞水則花大而香濃人多取蕊合香清陳湜子秘傳花鏡

辛夷花如蓮外紫內白蕊若筆尖故名木筆一名望

春其本可接玉蘭白香山辛夷詩云紫粉筆含尖火

焰紅燕脂染小蓮花清沈賦名花譜

辛夷木筆望春花一卉而數異其名又無甚新奇可

取名有餘而實不足者此類是也園亭極廣無一不

備者方可植之不則當為此花藏拙清李漁閒情偶寄

白辛夷

一名玉蘭

本草綱目

一名迎春

學圃雜疏

花屬

白辛夷

一

白辛夷

辛夷亦有白色者人呼為玉蘭明李時珍本草綱目

玉蘭早於辛夷故宋人名以迎春今廣中尚仍此名

千幹萬蕊不葉而花當其盛時可稱玉樹樹有極大

者籠蓋一庭然樹大則花漸小不可不知余童時猶

見人珍重今不然矣明王敬美學圃雜疏

辛夷花素艷清香芳鮮奪目明高濂遵生八牋

予父山泉慕玉蘭之美致東於姑蘇郡守求之其花

一葉一兩但以得之為幸不暇計其直之多少也至

予游天目適以事至武康大楊墳烏程和平鎮仰視山木大者數圍其次森森如列戟然開花爛目予問山人此何木也山人以望春答之及予細閱枝葉香色宛然玉蘭即命從者掘植園中戲謂父曰是何舍近而求諸遠也父尚猶豫俟明年花開以玉蘭並之初無他異及視瓣底則玉蘭純白望春帶紫以為小異耳吁近在目前且難遽得其真况於數百載之玉蕊瓊花豈容以意見度乎書此以俟後人當嚴具偽之辯明慎懋官華夷花木考

苕溪漁隱曰感春詩辛夷花高最先開洪慶善注云

辛夷高數丈江南地暖正月開北地寒二月開初發

如筆北人呼為木筆其花最早南人呼為迎春予觀

木筆迎春自是兩種木筆色紫迎春色白木筆叢生

二月方開迎春高樹立春已開然則辛夷乃紫花耳

○學圃雜疏玉蘭花古不經見即宋人所名迎春也

今嶺南人尚仍此名其花經冬而苞至二三月苞脫

而花千幹萬蕊不葉而花當其盛時可稱玉樹按今玉蘭

花木高數尺經冬而苞至二三月苞脫而花所云立春開又異矣其花似辛夷但紅白殊耳春分俱用辛

夷接與過枝。○或云辛夷即木筆也。然花以辛名。今玉蘭嗅之辛。而木筆不然。似茗溪之說。為是。夫玉蘭之為辛夷。未定。而其本。○唐錢起詩。谷口春殘黃鳥名。為迎春。則確然矣。

稀辛夷花盡。杏花飛。辛夷生漢中川谷處。處有之。木高數丈。葉似柿。而長。正二月生。

花似著毛。小桃子。色白。帶紫。花落無子。至夏復開。花初出如筆。故北人呼為木筆。花其花開早晚亦隨南北。節氣寒溫。一名辛。別一名侯桃。一名房。木一名新雉。○明陳仁錫潛確居類書。

木筆即辛夷。空斬條插之。玉蘭即木蘭。大理府志。木

蓮花樹高大。花如蓮。有青黃紅白四種。白香山言。忠

州有木蓮花。王元美謂即玉蘭。智按玉蘭春初開。木

蓮四月花。蓋亦有別。五雜俎曰。木蘭去皮不死。清皖桐方

蓮四月花。蓋亦有別。五雜俎曰。木蘭去皮不死。清皖桐方

氏物理
小識

馬物類集 卷十五 花屬 白辛夷 四

望春

一名報春花寧波府志 一名玉蘭天台山方外志

望春

予父山泉慕玉蘭之美致東於姑蘇郡守求之其花
 一葉一兩但以得之為幸不暇計其直之多少也至
 予游天目適以事至武康大楊墳烏程和平鎮仰視
 山木大者數圍其次森森如列戟然開花爛目予問
 山人此何木也山人以望春答之及予細閱枝葉香
 色宛然玉蘭即命從者掘植園中戲謂父曰是何舍
 近而求諸遠也父尚猶豫俟明年花開以玉蘭並之
 初無他異及視瓣底則玉蘭純白望春帶紫以為小

異耳吁近在目前且難遽得其真況於數百載之玉

蕊瓊花豈容以意見度乎書此以俟後人當嚴真偽

之辯明慎懋官萃
夷花木考

望春即報春花寧波
府志

玉蘭台山處處有之其樹有合抱者土人謂之望春

花開時香滿山谷天台山
方外志

